





1653 44. *Art. 17.*
ANALOGIA
120
IVRIS
AD VESTEM.

Qua iuris naturalis, gentium & ciuilis
species illustrantur.

Autore FRAN. BROEO I. V. in Academia
Bituricensi Professore.



PARISIIS,
Apud CLAVDIUM CRAMOISY, iuxta primam
Aulæ Basilicæ Columnnam.
M DC. XXXIII.

Cum Privilegio Regis.

THE NEWBERRY
LIBRARY

• 8. 11. 11. 11. 11. 11.

11. 11. 11.

Case

F

39

1320

16 33 6x

+



ILLVSTRISSIMO PRINCIPI
D. LVDOVICO
BORBONIO
ENGVIENNENSIVM
DVCI.

CONSILIUM optimi Prin-
cipis, parentis tui planè san-
ctum est (Princeps Illu-
strissime) qui te non tam
pretiosis vestibus, in quibus plerique
suam dignitatem collocatam putant,
quàm eruditione, quæ animi vestimen-
tum à quodam appellatur, ornare curat.
Vtrumque ornatum corporis & animi
peculiarem postulant profapiæ regie di-
gnitas & liligeræ domus, unde ortus es,

splendor. Vestis tamen quæ corporis tegendi ergo sumitur, nullum ordinem statuit. Isacium referente Plutarcho non facit lini gestatio, non Isidis sacerdotis rasura, non vestis tyriæ color, non auro nitidæ trabeæ regem sed sapientia. Etsi communi veste & soloci uterere, erumperet tamen animi indoles, & se se exereret natalium decus, vel ex fronte, generis exploratrice & indice, quem nulla vestis in te adumbrare potest ut virilis spiritus, quo præditus Achilles, stola virginali tegi non potuit. Præferenda est altera vestis usurpatio, cuius mystico sensu exprimere sum conatus uniuersi iuris partes & analogicè cuiusque partis naturam demonstrare. Non tantum ius sed omnis scientiarum circulus, huius comparatione exprimi potest. Hanc summo studio parentes liberis procurasse probatur exemplis, ab ultima memoria petitis. Nullus fere

virī eximij referuntur consilia & euen-
tus, quin cura educationis si filios susce-
perit, velut generosi animi specimen præ-
cipuum non referatur. Peleum cuius vox
Græca respondet Borbonio, Achillem
Chironi instituendum tradidisse medul-
lisque leoninis enutritum sub fabula-
rum integumentis narratur. Sapientia
qua imbutus Achilles exprimitur quæ
hac ætate heroïca, penes poëtâ erat, quæ
si fuerit corporis addita viribus, forti-
tudinem ineluctabilem concinnatura. In-
ter Philippi Macedonum regis præcla-
ra facinora quæ multa fuerunt, recen-
setur cura, qua Aristotelem asciuit, cui
Alexandrum literis imbuendum tradi-
dit, & voce paterna identidem ad exer-
citationem corporis & animi hortatus
est. Alexander aliquando à parente in-
terpellatus ut in Olympicis ludis carre-
ret, cum valido poplite præditus foret.
Respondit Alexander ita facturum, si

cum regibus certandum esset. Nemo te
opinor (Princeps gener.) non Alexan-
dro superiorem putabit, cum rescierit
cum auditoribus omnis ordinis conten-
dere, & exercitationem cum nemine
respuere. Non locus, non personæ tibi
sordent, non commilitonum conditio,
qui tanto intervallo à te quanto dicta-
tor à calone aut lixa dissident. Pro-
pensa illa erga literas voluntas, cum
præcoci & etatem ingenio superante,
te ante duodecimum annum agentem
in quovis dicendi genere versatum red-
didit, Græcæ & Latinae linguae expe-
ditam orationem de quavis re compa-
rauit. Nemo hætenus miretur Augu-
stum duodecimum annum agentem pro
concione Aviam Iuliam laudasse. Hic
vernacula, tu arte quæsitæ lingua ex-
pedite vteris. Tibi vero (Princeps stu-
diosissime) curriculum humaniorum
literarum absolventi, disciplinae omnes

gaudio triumphantes obuiam procedunt,
& singulae cum symbolo (quod vestis
aliquo genere designatur) te alumnus
habere exoptant. Philosophia pallium,
iuris prudentia togam & paluda-
mentum exhibent. Hæc est vera quam
nostri vocant philosophia, imperatoria
disciplina, quæ præcepta continet, quibus
populus Romanus totum orbem in suam
ditionem redegit. Hæc belli pacisque mu-
nia continet. Hæc consilia sacra præbet
& prudentiam militarem suggerit, quæ
legum verbo contineri existimo, cum im-
perator planè Augusta præfatione, di-
xit legum tractationem, cum armis im-
peratori coniungendam. Ad hanc reuo-
cabat animum Varro cum dicebat Ro-
manos sedendo vicisse, cumque Cic. to-
gam armis cedere debere: Hanc pru-
dentiam tritura quadam specierum quo-
tidie dispungimus & collatione inuicem
capitum discutimus. Has tamen ge-

nerales iuris partes propria methodo
tllustrare conatus in transcurso & aliud
agens, tibi oblaturus dum in otio ali-
quid *Maus* tuæ celsitudini dicandum
procudo.



